



Sarajevo, 28.12.2020. godina

SVIM MEDIJIMA

Poštovani,

U cilju pravovremenog i objektivnog informisanja javnosti podacima sa kojima raspolaže Javna ustanova „Služba za zapošljavanje Kantona Sarajevo“ Sarajevo želimo ovom prilikom prezentovati najznačajnije podatke za 2020. godinu uz poređenje sa podacima iz 2019. godine.

BROJ RJEŠENJA IZDATIH U 2020. GODINI

Javna ustanova „Služba za zapošljavanje Kantona Sarajevo“ Sarajevo je u 2020. godini obradila i izdala rješenja za:

- priznavanje prava na novčanu naknadu - 14.168
- rješenja o priznavanju prava na nastavak novčane naknade - 1.238
- rješenja o odbijanju zahtjeva za novčanu naknadu - 1.350
- rješenja o prestalom pravu na novčanu naknadu - 4.826

Ukupan broj izdatih rješenja u 2020. godini iznosi 21.582 i ovo je podatak sa 24.12.2020. godine.

BROJ RJEŠENJA IZDATIH U 2019. GODINI

Javna ustanova „Služba za zapošljavanje Kantona Sarajevo“ Sarajevo je u 2019. godini obradila i izdala rješenja za:

- priznavanje prava na novčanu naknadu - 8.131
- rješenja o priznavanju prava na nastavak novčane naknade - 708
- rješenja o odbijanju zahtjeva za novčanu naknadu - 1.019
- rješenja o prestalom pravu na novčanu naknadu - 2.707

Ukupan broj izdatih rješenja u 2019. godini iznosi 12.565 i ovo je podatak sa 31.12.2019. godine.

Kao što se može vidjeti iz datog pregleda urađen je ogroman posao, povećanje izdatih rješenja za cca 80% u 2020. godini, koji nije uopće bio planiran na ovakav način, a prouzrokovan je pandemijom COVID - 19.

VRIJEDNOST ISPLAĆENIH NOVČANIH NAKNADA U 2020. GODINI

Ukupna vrijednost isplaćenih novčanih naknada Javne ustanove „Služba za zapošljavanje Kantona Sarajevo“ Sarajevo prema korisnicima koji su ostvarili to pravo iznosi cca **20.500.000 KM.**

VRIJEDNOST ISPLAĆENIH NOVČANIH NAKNADA U 2019. GODINI

Ukupna vrijednost isplaćenih novčanih naknada Javne ustanove „Služba za zapošljavanje Kantona Sarajevo“ Sarajevo prema korisnicima koji su ostvarili to pravo iznosi **11.472.115 KM.**

Kao što se može vidjeti iz datih podataka povećanje ukupne vrijednosti za isplate novčanih naknada u 2020. godinu u odnosu na 2019. godinu iznosi nešto preko 80 %, a sve ovo je bilo moguće realizovati i isplatiti nakon usvajanja rebalansa Plana poslovanja Javne ustanove „Služba za zapošljavanje Kantona Sarajevo“ Sarajevo usvojenim od strane Skupštine KS. Javna ustanova „Služba za zapošljavanje Kantona Sarajevo“ Sarajevo je u svim saopćenjima koje je publikovala uvijek ukazivala da su ova prava prioritet za Javnu ustanovu „Služba za zapošljavanje Kantona Sarajevo“ Sarajevo i da ove isplate ne smiju doći u pitanje. Isplate nisu došle u pitanje i Javna ustanova „Služba za zapošljavanje Kantona Sarajevo“ Sarajevo je u ovom segmentu u potpunosti odgovorila na zakonske odredbe koje regulišu ovu materiju.

Ovdje treba napomenuti da je povećani iznos za isplate novčanih naknada uzrokovao manja izdvajanja za programe za zapošljavanje.

REALIZACIJA PROGRAMA ZA SMANJENJE STOPE NEZAPOSLENOSTI U KS

Javna ustanova „Služba za zapošljavanje Kantona Sarajevo“ Sarajevo je u proteklim mjesecima obavještavala javnost sa raspisanim i javno objavljenim programima i mogućnošću zapošljavanja nezaposlenih lica.

Ovdje ćemo samo istaći da je u 2020. realizovano novih programa u vrijednosti od cca 15.000.000 KM i zaposleno cca 2.000 lica sa evidencija Javne ustanove „Služba za zapošljavanje Kantona Sarajevo“ Sarajevo.

BROJ NEZAPOSLENIH LICA SA EVIDENCIJA SLUŽBE ZA ZAPOSŁJAVANJE KS

Na dan 25.12.2020. godine na evidenciji Javne ustanove „Služba za zapošljavanje Kantona Sarajevo“ Sarajevo registrovano je ukupno 63.460 nezaposlenih lica. Na dan 31.12.2019. godine broj nezaposlenih lica na evidencijama Javne ustanove „Služba za zapošljavanje Kantona Sarajevo“ Sarajevo iznosio je 58.746. Ovo znači povećanje broja nezaposlenih od cca 8%. Javna ustanova „Služba za zapošljavanje Kantona Sarajevo“ Sarajevo očekuje da će doći do blagog smanjenja nezaposlenih osoba obzirom da se u ovom trenutku realizuju programi kojim će biti zaposleno 1.300 lica sa evidencija Javne ustanove „Služba za zapošljavanje Kantona Sarajevo“ Sarajevo.

ELEKTRONSKA REGISTRACIJA

Posebno želimo istaći da je na inicijativu Javne ustanove „Služba za zapošljavanje Kantona Sarajevo“ Sarajevo izmijenjen Pravilnik o evidencijama u oblasti zapošljavanja kojim je omogućeno elektronsko komuniciranje nezaposlenim licima sa Službama za zapošljavanje u FBiH. Ovu dopunu pravilnika je usvojilo Ministarstvo rada i socijalne politike u Vladi FBiH i time je omogućeno da se u budućnosti, a kod situacija kao što je pandemija COVID – 19, prijave i ostale potrebne aktivnosti nezaposlenih lica obavljaju i elektronskim putem što do usvojene dopune pravilnika nije bilo moguće. Ovo smatramo velikim doprinosom u radu svih Službi za zapošljavanje i kojim će se omogućiti korištenje modernih uređaja u komunikaciji, a istovremeno, smanjenje redova ispred biroa.

Na kraju, Javna ustanova „Služba za zapošljavanje Kantona Sarajevo“ Sarajevo želi da se zahvali svima koji su omogućili normalan rad Službe, kao i medijima što su uredno i pravovremeno izvještavali o aktivnostima Javne ustanove „Služba za zapošljavanje Kantona Sarajevo“ Sarajevo. Sve aktivnosti Javne ustanove „Služba za zapošljavanje Kantona Sarajevo“ Sarajevo su bile u funkciji što većeg zadovoljstva korisnika kao i osnivača Službe.

HVALA SVIM RADNICIMA SLUŽBE, POSEBNO RADNICIMA U BIROIMA I RADNICIMA NA OBRADI RJEŠENJA I ISPLATE NAKNADA, ŠTO SU U OVA TEŠKA VREMENA POKAZALI DA MOGU I ŽELE VRIJEDNO RADITI I BEZ KOJIH OVO SVE NE BI BILO MOGUĆE.

S poštovanjem,

Vaša Javna ustanova „Služba za zapošljavanje Kantona Sarajevo“ Sarajevo.

